


Euskal AEko jaiotzak % 1,3 jaitsi ziren 2023an, 13.453ra arte

Amen % 32,2k nazionalitate atzerritarra zuen

Euskal AEn 13.453 haur jaio ziren 2023an, aurreko urtean baino % 1,3 gutxiago, Eustaten datuen arabera. Espainiako nazionalitatea zuten amen artean, jaitsiera % 4,5ekoa izan zen, eta atzerriko amen artean, berriz, % 6,1eko igoera.

Lurraldeka, Bizkaiak izan du beherakada handiena (-% 2,8) eta gero Arabak (-% 2,2); azkenik, Gipuzkoak gorakada izan du (% 1,3). Horrela, probintzia bakoitzean 6.671, 2.216 eta 4.566 haur jaio ziren, hurrenez hurren.

Bizirik jaioak Euskal AEn lurralde historikoaren arabera



Iturria: Eustat. Jaiotzen estatistika

Hilabeteka aztertuz gero, horietako gehienetan jaiotza kopuruak behera egin du, hiru hilabetetan izan ezik (iraila, urria eta apirila); hilabete horietan jaiotzak % 8,4, % 8,1 eta % 0,5 igo dira, hurrenez hurren.

Euskal AEn jaiotza biziak, jaiotza-hilabetearen arabera. 2023

	2023	2022		2021		2020		2019	
	KOP	KOP	Gehikuntza (%)	KOP	Gehikuntza (%)	KOP	Gehikuntza (%)	KOP	Gehikuntza (%)
Guztira	13.453	13.636	-1,3	14.257	-5,6	14.739	-8,7	15.418	-12,7
Urtarrila	1.073	1.128	-4,9	1.030	4,2	1.255	-14,5	1.321	-18,8
Otsaila	1.002	1.056	-5,1	1.063	-5,7	1.223	-18,1	1.142	-12,3
Martxoa	1.069	1.114	-4,0	1.231	-13,2	1.292	-17,3	1.262	-15,3
Apirila	1.022	1.017	0,5	1.183	-13,6	1.185	-13,8	1.194	-14,4
Mayatza	1.109	1.148	-3,4	1.176	-5,7	1.214	-8,6	1.298	-14,6
Ekaina	1.138	1.169	-2,7	1.182	-3,7	1.228	-7,3	1.238	-8,1
Uztaila	1.207	1.256	-3,9	1.274	-5,3	1.304	-7,4	1.401	-13,8
Abuztua	1.161	1.189	-2,4	1.283	-9,5	1.320	-12,0	1.373	-15,4
Iraila	1.181	1.089	8,4	1.236	-4,4	1.290	-8,4	1.343	-12,1
Urria	1.256	1.162	8,1	1.253	0,2	1.260	-0,3	1.334	-5,8
Azaroa	1.118	1.169	-4,4	1.190	-6,1	1.130	-1,1	1.290	-13,3
Abendua	1.117	1.139	-1,9	1.156	-3,4	1.038	7,6	1.222	-8,6

Data 2024ko Ekainaren 18a

Iturria: Eustat, jaiotzen estatistika

Mila biztanleko 6,1 jaiotzakoa izan zen jaiotza-tasa. Zifrarik altuena Arabak du (% 6,6), ondoren Gipuzkoak (% 6,3) eta azkenik Bizkaiak (% 5,8). Euskal AEn tasa hori 0,1 puntu jaitsi da 2022. urtearekiko, eta 2,7 puntu 2013arekiko.

Euskal AEn jaiotza biziak, amaren bizilekuaren lurralde historikoaren, adinaren, egoera zibilaren eta nazionalitatearen arabera. 2023

	2023		2022		Gehikuntza (%)
	KOP	%	KOP	%	
GUZTIRA	13.453	100,0	13.636	100,0	-1,3
Amaz bizi den lurralde historikoa					
Araba / Álava	2.216	16,5	2.267	16,6	-2,2
Bizkaia	6.671	49,6	6.861	50,3	-2,8
Gipuzkoa	4.566	33,9	4.508	33,1	1,3
AMAREN ADINA					
<30 urte	2.813	20,9	2.707	19,9	3,9
>= 30 urte	10.640	79,1	10.929	80,1	-2,6
Amaren egoera zibila					
Ezkontdua	6.656	49,5	6.683	49,0	-0,4
Ezkon gabekia	6.797	50,5	6.953	51,0	-2,2
Amaren nazionalitatea					
Espainiarra	9.125	67,8	9.557	70,1	-4,5
Atzerrikoa	4.328	32,2	4.079	29,9	6,1

Data 2024ko Ekainaren 18a


Iturria: Eustat, jaiotzen estatistika

Jaiotzen % 79,1ean amek 30 urte edo gehiago zituzten

Jaiotza kopuru handiena 30 eta 34 urte bitarteko emakumeei dagokie, guztien % 34,5 dira. Ondoren, 35 eta 39 urte bitarteko amen jaiotzek osatzen dute, % 33,4 dira. 40 urte eta gehiagoko amen taldea % 11,2 da; aurreko urtean baino 0,5 puntu azpitik. 25-29 urteko amen jaioberrien kopurua % 13,9 da, eta 20-24 urtekoena % 5,8. Azkenik, ama nerabeak guztizkoaren % 1,3 izan ziren, 2022an baino hamarren bat handiagoa.

Amen batez besteko adina 33,4 urtekoa izan zen, aurreko urtekoa (33,6) baino pixka bat txikiagoa. Hala ere, balio hori 34,5 urtera igo da Espainiako nazionalitatea dutenen artean, eta 31,1 urtetan kokatzen da atzerriko nazionalitatea duten amen artean. Lehen aldiz ama izan izan ziren emakumeen batez besteko adina, hau da, 2023an lehen seme-alaba izan zutenena, 32,4 urtekoa izan zen, 33,6 urtekoa Espainiako nazionalitatea zuten amen kasuan, eta 29,4 urtekoa atzerriko nazionalitatea zuten amen kasuan.

Euskal AEko amen batez besteko adina lehen jaiotza bizian, nazionalitatearen arabera



Iturria: Eustat. Jaiotzen estatistika

Amen % 32,2k nazionalitate atzerritarra zuen

Amen nazionalitatea kontuan hartuz gero, % 32,2k atzerriko nazionalitatea zuten eta 4.328 haur erditu zituzten. 2022an % 29,9 ziren ama atzerritarrak. Ama horien jatorrizko herrialde nagusiak hauek izan ziren: Maroko, 724 ama, Kolonbia (503), Nikaragua (290), Errumania (204), Pakistan (193), Paraguai (184), Honduras (178), Aljeria (171), Bolivia (160), Peru (149), Venezuela (132), Nigeria (120), Ekuador (120), Brasil (117) eta Senegal (106). Atzerriko nazionalitatea zuten ama guztietatik % 48,8k Amerikako herrialderen bateko nazionalitatea zuen, % 29,9k Afrikakoa eta % 11,4k Europakoa.

Emakume atzerritarrek Euskal AEn bizi diren espainiar nazionalitatea dutenek baino adin goiztiarragoan izan dituzte lehen seme-alabak: kasuen % 40,3an 30 urte baino gutxiagorekin izan dituzte, eta espainiar nazionalitatea duten amen kasuan, berriz, % 11,7 dira.

Jaiotzen erdia baino gehiago ezkontzatik kanpo izan ziren

2023an, ezkontzaz kanpoko jaiotzak 6.797 izan ziren, guztizkoaren % 50,5; 2022an, berriz, % 51 izan ziren. Duela 10 urte, 2013an, ezkontzaz kanpo jaiotakoen ehunekoa % 37,9 izan zen.

Jaiotza-hurrenkera kontuan hartuta, 2023an izandako lehenengo 6.710 jaiotzak guztizkoaren % 49,9 izan ziren, bigarrenak % 36,3 eta hirugarrenak eta ondorengoak guztizkoaren % 13,8. 2023an bizirik jaiotakoen artean, 100 neskak eta 105 mutilak izan ziren sexuen arabera. Mutilen batez besteko pisua 3.332,4 gramokoa izan zen, eta neskena 3.217,5 gramokoa.

Jaiolekuaren arabera, nabarmentzekoa da jaiotzen % 92,5 ospitale publikoetan izan zirela, % 6,8 ospitale pribatuetan eta % 0,6 etxean. Erditzeak 13.296 izan ziren; horietatik 13.084 bakunak, 211 bikoitzak eta 1 hirukoitza. Guztietatik garaiz aurrekoak 796 erditze izan ziren (% 5,9).

Informazio gehiago nahi izanez gero:

Eustat - Euskal Estatistika Erakundea / Instituto Vasco de Estadística
Donostia-San Sebastián kalea, 1 01010 Vitoria-Gasteiz
Prensa-zerbitzua: servicioprensa@eustat.eus Tel.: 945 01 75 62